

Liv Anne og Sveinung T Bergo
Eksingedalsvegen 2284
5728 EIDSLANDET

Til Vaksdal kommune sitt fond for vilt, fiske og friluftsliv

SØKNAD OM STØTTE TIL PRODUKSJON AV INFORMASJONSSKILT FOR TURSTIPROSJEKT

Prosjekt:

Tursti rundt Almatjødna, med informasjonstavler om kulturminna som finst i området.

Stad: Bergo i Eksingedalen, gnr.64, bnr.1.

Prosjektet gjeld:

Vedlikehald, rydding og merking av gamal driftsveg i eit kulturlandskap med stor historisk verdi. Området er tidlegare slåttemark til garden, delar av området er no sauabeite. Området er fint stelt, og det er i dag mykje nytta sti til Kultatoppen, som er ein av trimturane til idrettslaget. Barnehage og skule har i alle år nytta området til ulike friluftaktivitetar. Bergen klatreklubb har klatreruter i Hjellaberget, som ligg i tilknytning til området.

Området inneheldt fleire kulturminne som me ynskjer ta vare på, få fram att i dagen og gjera kjent for andre. Desse kulturminna er:

- Restaurert kvernhus og fleire kvernhustufter i Kvernhusbekken
- Demning i samband med kvernhusa
- Gammal danseplass
- Ferdslewegen gjennom Eksingedalen (mellom Bergo og Nesheim)
- Restaurerte utløer (Nyborg , Almaløa og Hjellaløa)
- Kolmine
- Spektakulær avstikkar opp Almatoa, viktig snarveg i samband med utmarksnæringa
- "Banevegen", stien til Brynhild si utslåtte
- Historiar om utmarksnæring, slåttarbeid, hesjer og frakting av høyr frå utløene om vinteren

Prosjektet er todelt:

1. Rydding og merking av tursti, der "Banevegen" er ein gammal sti som har vore gløymt og gøymt i 70 år. Å få denne stien fram att i dagen skaper ein ny tursti i dette vakre friluftsområdet.
2. Informasjon om kulturminna i området

Det er løyvd SMIL-tilskot til del 1 av prosjektet. Grafiske kostnader og produksjon av skilt kjem ikkje inn under føremålet for SMIL-tilskot, og søkjarane vart oppmoda om å søkja om støtte til dette gjennom "Vaksdal kommune sitt fond for vilt, fiske og friluftsliv"

Etter tilråding frå kommunen er det også søkt "Gjensidigemidlar" (Turskilt- og merkeprosjekt). Dette er gjort, og tilbakemeldinga derifrå er at frivillige organisasjonar, kommunar, ulike interesseorganisasjonar kan søkja midlar her, ikkje enkeltpersonar eller eit gardsbruk som oss.

Me søker difor om økonomisk støtte frå "Vaksdal kommune sitt fond for vilt, fiske og friluftsliv" til grafisk arbeid med 5 stykk informasjonstavler: Kr 30 000.

I budsjettet er det teke utgangpunkt i faktiske prisar for tilsvarande grafisk arbeid ved fornying av "Stølsvegtavlene" i Eksingedalen.

Ved denne søknaden ligg prosjekttale og kostnadsoverslag.

Eksingedalen 5.mars 2015

Med helsing

Liv Anne og Sveinung T. Bergo